

Athör ë diäk cï Joon gõt

Wët nhom

Athör ë diäk ë gët Joon tënë raan tã akut kɔc cï gam nhom cɔl Gaiöth. Acï Gaiöth leec thïn wët ë yen kɔc cï gam kony, ku yöök ke bik röt tiit ë mony cɔl Diötrepeth.

Käk tã thïn

Muõth tueŋ	1-4
Joon acï Gaiöth leec	5-8
Joon acï Diötrepeth nyieeny.....	9-10
Joon acï Demetriöth leec.....	11-12
Muõth ciëen.....	13-14

Ee yen raandit akut kɔc cï gam, yen acï yï gät athör kënë yïn Gaiöth raan nhiaar piändië ëbën. ²Mäthdië, aŋääth ɣapuõu lɔn puɔl yïn guõp, ku lɔn le yïn tueŋ kek luɔidu apath, cïmën pïr wëiku ë Nhialic nhom. ³Yen acï puõu bën miet apei wäär biï kɔc kök cï gam tënë yï, ku lëkkë ɣa lɔn yïn apïr dhël ë Nhialic yic akölaköl. ⁴Na pieŋ lɔn mïthkiën cï gam cïmëndu aa pïr tëcït tã cï Nhialic ye nyuõth ɣo thïn, ke ɣa cɔl amit puõu apidit.

Gaiöth acï leec

⁵Mäthdië yïn acï kajuëc looi käk cï kɔc cï gam kony, kɔc cï gam ë cath ke piöök wët Jethu, agut kɔc cie kɔc pandun. Kënë, acï nyuõth ɣa lɔn yïn ë raan path cï wët Jethu gam. ⁶Acï kɔc ca konykä lëk ɣo, ɣok kɔc cï gam tën yen tã nhieer yïn ke thïn. Ku ëmën alëk yï ba ŋot yï la tueŋ ke yï kony ë kɔckä, tã jiël kek tënë yï. Kënë adhiëlkä looi dhël nhieer Nhialic. ⁷Rin kɔckä aa cath ë baai yic, rin aa kɔc lui rin Jethu. Acïn kë yekë thiëc, nadë ke lömkë tënë kɔc cie kɔc cï gam bi kek röt kony. ⁸Këya, ɣok kɔc cï gam, ɣok aa dhil kɔckä gäm kuat käk wickë ke, rin buk aa kac tök lui ɣok ke yiny Nhialic yen yekë lëk kɔc.

1 Luoi 19:29; Rom 16:23; 1Kor 1:14

Diötrepeth ku Demetriöth

⁹Wek aaca kaŋ gät athöör thæer, wek kɔc cī gam ë tēën. Ku Diötrepeth acī bēn jai ë wētdië, rin awic bī ya yen wat akut nhom. ¹⁰Tē le ŷen ŷet pandun, acīn kē ba moony tēnē kɔc, ee kāk ye Diötrepeth looi yiic ëbēn, aa kāk lueth kek aye lueel ŷaguōp. Ku yeen aya aloi dēt wār kēnē, akuec bī kɔckuan cī gam lor, kɔc ë cath ke piöoc wēt Jethu, ku ë jai aya bī kɔc puöl bīk wāmāthakēn cī gamkā aa lor, ku ë kɔc ë kɔc lor cuōp wei akut yic. ¹¹Yīn mātthië duk kɔckä ræc luçiden ye kiëët, dhiel ë kiëët këpath ye kɔc path looi. Na loi raan käpath, ke këpuōth cī looi aye nyuōth lōn raan kēnē ë manh Nhialic, ku raan ë luui käreç, käreç ye looi aaye nyuōth lōn raan kēnē akuc Nhialic.

¹²Kuat raan ëbēn kɔc cī gam yiic, aye lueel lōn raan cɔl Demetriöth ë raan path. Ee kē cī Nhialic lëk ŷo buk aa looi yen aye looi. Yen alëk yī lōn yeen ë raan path, ku aŋic aya, kuat kē ya lueel rin raan ëbēn, ee ya yic.

Muōth ciëen

¹³Kājuëc apɛi aake nhiaar ba ke lëk yī, ku acä wic ba kek gät athör yic. ¹⁴Kē wiëc ku aŋäāth, ee lōn bī ŷen la keny tēnē we ëmēn, ku ë tēën yok abī la yök ku jīemku röt kamkua ŷodhie. Nhialic abī we cɔl arëër ke döörde. ¹⁵Wāmāthakun cī gam rëër ë tēn aa yī muōth. Miāthkē kɔc cī gam rëër ke we ë rienkië ëbēn.